

Fida Nyamesemka: Fankwa 5 2014  
(Friday sermon –5<sup>th</sup> September 2014 – Fante Translation)

# **JALSA SALANA UK 2014,** **SUNSUM MU MFASO**

Ayenyi nyinara ye Nyankopon dza; dapen a etwa mu yeyee Jalsa Salan UK na onam Sunsum mu adom ntsi hon a wobaa bi na hon a wonam MTA hwee bi wo wiadze n'afanandze nyinara nyaa mfaso fii nhyira a owo mu no. Nsem a Huzoor renya wo Jalsa n'ekyir no ye nsem papa paa. Nkorofu nyaa atsenka de mpuntu pii baa nhyehyee no nyinara mu na kasa ahorow a wokaa no ye enyimdzifo hon kasa na owo sunsum mu gyinabew. Tsede dzaa oye no, Huzoor dze nde Nyamesemka no, dzaa odzikan wo Jalsa Salan n'ekyir no, gyinaa dwumadzi a osii nodo wo Sunsum mu nhyira do. Osan so daa etuhoama edwumayefo na okaa sinto kakra a obae.

Nyankopon N'adom ntsi, Jalsa Salana tsebea no nya sunsuando wo kra chotsew biara do. Nkorofu binom a wonnye Muslimfo nye Ahmadiyyafo no baa Jalsa ara de worebeye dasedzifo ama nokwar nhyira nye mfaso a owo Jalsa mu tsede dzaa hon Ahmadiyya anyenkofo ka kyere hon no. Woafa Jalsa mu ewie no woka to gua de suahun a woenya no so kyen dzaa na wodwen no na binom hon enyi gye ho na oka hon ara ma ewie no woye Bai'at. Afe yi Russiafo ebien na wohwee Jalsa tsebea no wie no woye Bai'at. Owo mu de ahohow a wofi Guatemala, Chile nye Costa Rica a owo America Anafo afa mu annyee Bai'at wo Jalsa n'ase, naaso onyaa nsunsuando wo hon do na ekwir no, a wohyiaa Huzoor no (mulaqat) wokyerere nuho de wannye Bai'at no ahyease no na wokaa de woehu nokwar no na wowo pe de wobeye Bai'at. Ne siantsir, nkorofu esia, mbanyin anan na mbaa ebien yee Bai'at ndeda ber a yeaye Zuhr ewie.

Wo nkorofu a woyee Bai'at afe yi mu no ye nyenko bi a ofi Guatemala bae naaso oye Jordanian. Ose ohwee na ohuu ndzeyee a ofa korye, do na tsema ho wo Jalsa n'ase a na oye Nkomhyenyi Kronkron (NNN) nepe. Onyaa atsenka de Jalsa nhyehyee no dzi mu na n'enyi gye yie wo suban pa a woda no edzi no, nokwar sunsum na korye ho. Ose Jalsa no da Hadith a Nkomhyenyi Kronkron (NNN) kaa de egedzifo tsede honam dua kor na yaw a owo fa biara mu no honam nkae no nyinara nya atsenka no edzi! Oboo mpae de ketseankyee Nyankopon bema Jalsa edwumayefo nyinara akatua.

Nyenko bi a ofi Costa Rica kaa de n'enyi gye yie wo kwan a Jama'at dze nhyehyee guu akwan mu na mbre osi edwumayenyi biara dzii dwuma a wodze ahye ne nsa. Ose ne'nyi gye de onye ahohow a wofi aman fofor do dzii nkombu na onyaa atsenka de ne gyedzi ako kan. Ose afutusem a owo Huzoor ne kasa ahorow mu no ko ma Muslimfo nyinara a wowo wiadze yi mu a ommfa de eye Sunni anaa Shia Muslimnyi!

Obaa bi a ofi Costa Rica kaa de Jalsa obae no ama no suahun soronko na odo a nkorofu a wofi mbeambea ahorow kyere ma honho no enya nsunsuando wo nodo. Onyaa atsenka de sunsum mu tsebea a owo wiadze nyinara Bai'at mu no wo nka a ofi Nkomhyenyi Kronkron (NNN) n'aber do. Iyinom nye nkorofu a wofi Guatemala, Chile na Costa Rica baa Jalsa no bi, a, wohunn wiadze nyinara Bai'at no, hon adwen sii hon pi ndeda ma woyee Bai'at.

Ahmadiyya Jama'at tsereww Islam ne dawur a ɔye few no na hohow biara hu n'odo na tsema a wɔada n'edzi a ɔhye hɔn ma wobeka nokwar Islam noho anaa de wɔannye hwee koraa no oyi hɔn adwen a onndzi mu fa Islam ho no tokyen. Iyi ye ngyinado de Islam nkyerekyere nntwa mu da na Sunsum mu mboa na adom mmfi Jama'at Ahmadiyya nkyen da.

Mber bi ebusua bi kaa kyere Huzoor de wo Pakistanman mu no na hɔn mberwa no kor tsiaa Jama'at yi. Na wotse bea ebusuafo no nyinara tse naaso wɔamma Jalsa da. Dakor bi na ɔwo de ɔko Rabwah na ebusuafo no so dze no kor Jalsa. Ohɔ no ohuu sunsum mu tsebea no, Langar Khana hɔn nhyehyee na otsiei kasa ahorow no na n'enyi gyee ara ma ɔye Bai'at. Iyi sii wo Khilafat a otsia ebien no pen do. Ampa ara de, wo Khilafat biara n'aber do no nkorɔfo ba Jalsa na wonya nsunsuando papa fi mu. Iyi ye nsenkyeredze a ɔfa Anohoba Mesia (ANN) noho na ɔsan so ye nsenkyeredze a ɔkyere de Sunsum mu mboa na adom ka Khilafat e Ahmadiyya ho. Dem nsem yi nnsisi ɔnam nyimpa bi ne mbɔdzenbo ntsi. Jalsa tsebea no ye Nyamesemka akwanya a yemmfa ano nka a no mu no Ahmadiyya dwumayefo biara ye ɔsofo wo dzenn kwan do. Ahohow a wofi aboano bae no enyi gyee dzenn na nkodo edwuma a etuhoamafo no yee, a suro anaa kasa dzenn biara nnyi mu; mbanyin, mbaa, mbɔfra nyinara wɔdze hɔnho ahye mu na wɔrosom amanfo. Jalsa ndzeyee no ye akwanya dze ma Ahmadiyyafo a wɔaba hɔn Jalsa a odzikan ma hɔn gyedzi ko sor na okenyan hɔn a wɔaye Ahmadiyyafo akyer no hɔn gyedzi. Ahohow binom aka no nokwar mu de wɔhwehwe mfum na afe yi dze dem nkorɔfo yi mpo aka de wo kwan biara do no enyigye a edwumayefo no kyere no kyen dzaa wɔaye dadaa no.

Ekyir no Huzoor dze nsem a Jalsa ahohow pɔn binom dze too gua.

Kasafo a ofi Kinshasa a ɔwo Congo kaa de iyi ye ne Jalsa nsrahwe a odzikan na dwumadzi biara a ɔkor do a wiadze nyinara Bai'at ka ho no n'enyi ohunee. Ohunn de nkorɔfo a wɔwo Jalsa n'ase biara dzii nkɔmbo tseɔ anyenkofo dadaw. ɔkaa de ɔbo mbɔdzen de ɔbeye nhyiemu wo ne mantow mu wo bea a ofi na ɔnam nhyehyee ntsi nyimpa eduonu esia na da a odzikan no wowui. ɔye no nwanwa de wo Jalsa nhyiemu n'ase no obi mpo nnkasa wo ndze a ɔwo sor mu na mbɔfra nkakramba kyee nsu wo ɔdo kwan mu. Mbɔfra taa pe de biribiara ye hɔn dze naaso Jama'at yi atsetse ne mbɔfra ama wɔdze nkorɔfo hɔn ahotɔ edzi hɔn enyim kan. ɔkyerewee de Jalsa ekyir no ɔkor n'asoe na ɔkaa kyere ananmusinyi no de wɔako nhyiemu ahorow pii naaso onnhun dzaa odzi mu wo nhyehyee mu sen dzaa ohui wo Jalsa no.

Benin amanaman suafo kaa de onnyi nsem a ɔdze bobo Jama'at n'abaw do wo Jalsa nhyehyee no ho. Ohunn nyimpa som ho enyigye soronko wo mbɔfra na mpanyimfo nye nkokora a wɔndwen hɔn ara hɔnho na mbom dzaa wɔpe ara nye de Jalsa no bowie peye. ɔse oehunn wiadze na oenya suahun efi nhyehyee a wiadze etumfo tseɔ USA aye naaso onnhun dzaa odzi mu kyen dzaa oehu wo Jalsa no. ɔkaa de sumasem a ɔwo Jama'at yi n'ahodzen do nye hɔn Khalifa na ɔsan so kaa de Jama'at yi pe na nde ɔreye asomdwee na nuado ho edwuma!

Uganda banbo suafo kaa de onnkotum aka suahun a oenya efi Jalsa no mu. Ohunn mbre osi a wɔdaa ndzemba edzi na ɔnye Huzoor so dzii ehyia a ɔkaa kyere Huzoor de asordaafo pe na wobotum akyere suban pa na bu a ɔtse dem yi na Huzoor kaa kyere no de mpo (Uganda) asordaafo nnkotum akyere suban a ɔtse dem yi, na ɔgyee to mu!

Hoho a ofi Greece na ɔye greek nkyerease ma Jama'at no dze krataa aba a ɔreka de ɔnnye asem kakraba de ebohunn dom kese a ɔtse dem yi de woehyia mu fako wo asomdwee kwan do de iyi ɔnam ɔdo na asomdwee nye mpaebɔ ntsi. ɔse Jama'at mmfa nkraataa mma hɔn a wonnyi bi nko na mbom wɔboa hɔn ma wonya beebo gyina ɔnam nhyehyee ahorow do na ɔsan so ye ahobrase wo ne ndwuma a odzi nyinara ekyir no. ɔse oennhu obi biara a

orekasa tsia biribiara na ohunn de etuhoamafo no nyinara roboa wo enyigye kwan do. Hon nyinara yee edwuma dzen de wobosom ahohow na hon nyinara so na oye hon pe de ahohow no benya ahotso tsede dzaa wowo fie wo Jamia, bea a na hon wo no.

Na TV kwankyerenyi bi a ofi Nigeria ka ahohow no ho. Okaa de Jalsa nhyehyee nyinara no wo gyinabew a okron paa na kasa ahorow a okorr do no so dzi mu yie. Bai'at dwumadzi no nyaa nsunsuando kese wo nodo. Ose onyaa atsenka kese wo Hazrat Khalifatul Masih n'enyim osiande na ohu mbre osi a Ahmadiyyafo nyinara ye ahobrase dze ma hon Khalifa no. Ose onnhun odo na tsema tsede dzaa obi biara a wo Jalsa n'ase kyeree no na okaa de se osan ko fie a obeka akyerere nkorofu nkaa no de iyi nye dzaa ohia de Muslimfo nkaa no sua.

Obaa bi a oye dawurbo kraataa kyerekyerewfo a ofi Nigeria kaa de obaa Jalsa no oehun no de Jama'at mba no nyinara wo do na tsema ma honho honho na obiara dze serew kyia na obi biara so aye krado de oboboa. Okaa de oaye nsemkyerewnyi mfe duawotwe na obotum aka wo ber a onntwentwendo de Jama'at Ahmadiyya ye ngiyina ho dze ma nokwar Islam. Mbanyin na mbaa nyinara dze do na anyenkoye kyia ahohow na onnhun iyi wo Islam nhyiemu biara ase.

Belgium kurow kese kor ne hwedofu kaa de woma ohunn Islam nokwar nkyerekyere ber a obaa Jalsa no na odze nara n'enyi hui mbre osi a Ahmadiyyafo dze nkyerekyere no ako nyeedo. Na otum hu do na tsema wo hon enyiwa mu. Ansaana obeba Jalsa no na oehun Jama'at no wo ne bron mu. De mbre otse no, wo Jalsa n'ewiei no oehu mbre osi dzi dwuma wo wiadze gyinabew do na oehu de dza woka na wodze ko nyeedo. Ohunn de Jalsa nhyehyee no nyinara dzi mu na odo na tsema na odze resan ako. Oseraa bea Humanity firstfo nye Engineerfo kuw wowo na oye no nwanwa mbre osi Jama'at rosom adasamba. Onyaa atsenka de mbre Jama'at no sombo dze ma no no ako kan.

Belgium kurow kese kor ne hwedofu abedziekyir kaa de woehu Islam wo Jalsa ase a onye dzaa dawurbofo dze to gua no bo ebira. Onyaa atsenka de oye papaye a odzi mu de ebetserew Islam dawurbo nokwar no na aka adasamba nyinara abomu kor. Okaa de wواهwe ehu mbre osi a Jama'at no bo noho mbodzen de wobosom adasamba wo ne kurow kese no mu, naaso mbre otse biara no, obaa Jalsa no oehu no de Jama'at no bo mbodzen de wobosom adasamba wo wiadze nyinara mu. Ose ohun no de gyedzi biara nnyi ho a wrosom tsede Jama'at yi reye no. Ose n'enyi gyee ahweyie a nkorofu a wodze dwumadzi ahye hon nsa kyeree no na onyaa atsenka de se nkorofu yee edwuma tsede iyi wo no kurow mu a nkye hon abrabo nnkoko famu tsede dza ako no.

Belgium kurowkese hwedofu abedziekyir ne yer kaa de onyaa odo na tsema suahun soronko ber a obaa Jalsa mbasiafo bea no. Na tsebea no ye soronko ber a Hazrat Khalifatul Masih baa mbaa hon bea a wo Jalsa ho no. Mbaa mpempem tsiei ne kasa dzenn. Ose onyaa nyiano dze maa ne nsembisa a wo ne tsir mu wo Huzoor ne kasaa no mu a ofa no mbaa na Islam nkyerekyere. Ose ahyease no na n'akoma nnto ne yamu wo mbaa hon bea ho na ber a Huzoor hyee ne kasa n'ase ara na ne nyinara yewee.

Nyenko bi a ofi Belgium a wo Nyamesemka ase kaa de onyim Ahmadiyya ho mber pii naaso iyi nye ber a odzikan a odze aba Jalsa. Ose ohunn biribiara wo nda ebiasa no mu na oka wo ber a onntwentwenn do de Ahmadiyya gyina ho ma nokwar Islam. Ose ohunn de nkorofu rosu ber a wodze hon enyim abo famu na iyi enya nsunsuando kese wo nodo.

Hohow bi a ofi Malta a oye aban dwumayenyi kaa de dzaa opee paa nye mbofra a worekye nsu a wonom. Osan so pe mbra a Hazrat Khalifatul Masih kae de wo de obi biara dze dzaa edwumayefo no beka akyerere hon biara ko nyeedo se oye abofra mpo a. Ose n'enyi gyee yie de wo Jalsa buukuu kakraba mu no na wama afutu de ma obiara nnsae edziban na

obiara mfa dza obotum edzi. Ose n'enyi gyee de Jama'at no yee ahweyie wo nsem nketsenketse ho.

Nsemkyerewnyi a ofi Malta na osan ye TV dwumadzi kyeame na onyim Jama'at mfe ebiase nye yi bisaa Huzoor nsem. Okaa de onyim de Jama'at enya mpuntu a oso wo mfe aha eduonu enum mu na sesiara edur aman aha ebien nye esia mu. Na ohun no de iyi botum esi se Sunsum mu mboa nka ho mpo a. Orekasa fa ahodzi ho no okaa de bea biara a ahodzi wo no, Nyankopon so wo ho. Huzoor kaa de iyi Kristonyi na okaa. Okaa de se oko ne nkyir Malta a obeye abakosem donhwer kor a ofa no nsembisa a obisaa Huzoor na ne nyiano nye Jama'at yi ama ne TV dwuma kuw.

Obemfo bi a okyere kwan a nyimpa dwen (philosophy) wo Malta kaa de obokyerew kraataa a no mu do afa Jalsa dwumadzi ho de mbre obeye nkorofu so benya mfaso efi afutusem a womaa wo Jalsa n'ase a ofa no Nyamesom na wiadze yieye ho.

Ahmadiyyafo nye hon a wonnye Ahmadiyyafo ahohow baa Jalsa no bi. Wo hon mu no ye Kristonyi obemfo a okaa de mber a wotoww nsa fre no de ombra Jalsa no na otse ase de nkorofu yi atow nsa afre no. Naaso, sesiara no otse ase de Jalsa ho mfaso no nnye Jama'at nko dza; nokwar nye de oye mfaso ehyiedzi dze ma wiadze nyinara. Ose onyaa asomdwee a oye nwanwa ber a oretsie Kur'an akenkan no na wotse bi egu efi do.

Nsemkyerewfo pii na wobaa Jalsa afe yi, ebi fi ha na ebi so fi aburawkyir. Hindu obaa nsemkyerewnyi bi kaa de ne maame bo noho de ma onko Muslimfo hon dwumadzi biara ase osiande woye nkorofu a honho ye hu na wobotum eku no a obiara nko ekyir. Ose ofaa Jalsa no mu wiei no oaye n'adwen de obeka akere ne na de Ahmadiyyafo ye asomdweefo kye Hindufo na owo enyisom de ne na so wode obenya suahun a oye nkyerekyere fefew a woma wo Jalsa no.

Obaa nsemkyerewnyi a ofi Belize, bea a Jama'at kor ho afe yi ara, baa Jalsa. Osan so ye TV dawurbofo. Ose Jalsa suahun kyere de oye enyiso kye dzaa odwenee no. Odwen hen huendzin 'Yedo obiara Yenntan obiara' no ho na onya atsenka de osipi de, onya do wo Jalsa bea biara. Okaa de mber nyinara no obekae dzaa Jama'at dze ama no na oada obi biara a odzii dwuma wo Jalsa n'ase ase. Ose wowoo no too Sunni Muslim ebusua a woye dzen mu na onam hon akwan a n'ano ye dzenn ntsi otwee noho fi Islam ho naaso na odaho gye Nyankopon dzi. Ne suahun a onyaa wo Jalsa n'ase no ye soronko bea a ohunn de Ahmadiyya basia biara nnyi ho a wesiisii no wo kwan bi do na obiara dzii ne dwuma de mbre ope, nantsew gua no mu na wohyiehyiaa honho wo odo mu. Okaa de onyaa atsenka de se wowoo no to Ahmadiyya ebusua mu a nkye onkotsew etua tse de mbre otsew etua wo n'ebusuafo hon do no. Ose onyaa anyenkofo pii wo Jalsa n'ase.

Huzoor kaa de owo de Ahmadiyyafo ye ndaasefo dze ma Allah de wowoo hon too Ahmadiyya ebusua mu anaa woma wabeye Ahmadiyyafo na ne dem ntsi wabo honho ban efi ndzamba a oma nkorofu tsew etua noho. Huzoor se oto ber bi a Ahmadiyyafo mbaa no bi so ye ndzeyee a omo, hon so woka de hen ndzeyee so ebimo hon enyi, ntsi onnyi de wobu honho fo. Islam nkyerekyere nye nyimpa su na wonam.

Nsemkyerewnyi obaa bi kaa de oye Nyamesomnyi a ogyaa nsa na tobacco nom na okor asor mber nyinara. Naaso, oenya bu suahun tse de dzaa onyaa wo Jalsa no wo n'asor ho; ose onya atsenka de oye soronko wo Jalsa n'ase.

Nyenko bi a onnye Ahmadiyyanyi a ofi Kazakhstan daa Huzoor na Jama'at no ase fi n'akoma mu de wotow nsa fre no baa Jalsa. Okaa de Nyamesom mu bemfo a oye no woye gyedzi ahorow nhwehwe mu mfe eduonum na ohun hen huendzin Yewo odo ma obiara Yenntan obiara dzaa odzi mu paa. Iyi ye biribi a Islam kuw ahorow nkaa no ndwen ho. Dem basabasaye mber yi a etutsew edu mpempendo a okron yin a Nyamesom mu

basabasaye atahye no ɔye Ahmadiyya Jama'at pe na oridzi dwuma afa adasamba anyenkofa dwumadzi ahorow ho de mbre obeye a Islamsom ne nkyerekyere a woaka ahye no besan ada edzi wo na ahyeren wo wiadze no mu bio mu ɔye nokwar de dem nkyerekyere yi da nyimpa apepe hon akoma do na osipi de oben Kazakhfo so hon akoma. Iyi nye dzaa hon a wofre honho Nyamesom mu enyimdzifo suro na iyi ntsi na worobo honho mbodzen de wobehaw Ahmadiyya Jama'at no.

Huzoor kaa de ɔwo de yebo mpae ma Kazakh Ahmadiyyafo hon ahotɔ na banbo.

Ahoho pon pii na wofi Sierra Leone baa Jalsa. Hon mu kor kaa de Jalsa a ɔroko do no woriyi no wo Sierra Leone efir do amon mu ho ara na ɔman panyin no so rohwe. Mber a otsie Tommy Kallon ne kasa wiei no ɔfreɛ n'ananmusifo no kor a ɔwo Jalsa n'ase na ɔdze ne mbo ma Jalsa no.

Suafo a ɔhwe mbra ho nsem wo Trinidad and Tobago baa Jalsa na ɔkaa de do a Jama'at wo dze ma Hazrat Khalifatul Masih no onnkotum dze nsempɔw ada n'edzi. ɔkaa de Jalsa nhyehyee no ye soronko na obi tum nya atsenka de Nyankopon ne nsa taa Jama'at yi ekyir. ɔse Jalsa a ɔbae no aka n'akoma yie.

Ahohow kuw a wofi Croatia a Catholic mbaa enum nye mbaa a wowo skulpon enum bae. ɔhwedofo a ɔwo Muslim Centre wo Zagreb so nye Catholic mbanyin ebiasa bae. ɔhwedofo a ɔwo Muslim/Arabic Centre no kaa de woako dwumadzi pii wo amanaman ahorow mu naaso onnhun nokwardzi a mbrɔfara dze kye nsu wo Jalsa n'ase no da. N'enyi so gyee mbre osi a Jamia adzesuafo no som ahohow no nye etuhoama mbabun no. ɔbaa bi a ɔka honho kaa de na ɔredwen ho ber a wogye ahom, ɔkaa ka ho de onnhun etuhoamafo a woye krado dem yi da! Suanyi a oka honho kaa de nyiano a Huzoor dze ma ne nsembisa no mee no yie na onya atsenka de se nka Muslim wiadze no hwehwee akwankyerɛ fi Huzoor ho a nka hon haw nyinara nodo botwa wo asomdwee mu. Suapon suanyi kor so kyereɛ n'enyiso wo nyiano a Huzoor dze maa ne asembisa.

Na suafo a ɔhwe amambre do wo Haiti so ye hen hohow. ɔkaa de n'enyi agye de woaba Jalsa no na ohuu Jalsa dwumadzi ne nhyehyee no onyaa atsenka de Jama'at yi ye fasusu kuw dze ma wiadze no nyinara. ɔse ɔyee no nwanwa de dzaa ohui nye de obi biara a ɔwo Jalsa n'ase no reye edwuma na n'enyi gyee hon nyinara honho, mbrɔfra na mpanyin nyinara.

Ekyir no Huzoor dze afoforfo a woaba Jama'at no mu hon nsem a woake too gua. ɔbaa bi a ofi Mexico kaa de oesua ndzembra pii wo Jalsa a ɔbae no mu. Nnye nokwar a ɔwo abrabɔ no mu nko na woehu na mbom ɔsaneɛ so tsee ase siantsir a Muslim amanaman akogyina tsebea a wowo mu wo wiadze mu no. ɔse na ɔdwen de kuw a na ɔdom no na odzi mu naaso ɔba Jalsa n'ekyir no oehu de ha na wodzi Nkomhyenyi Kronkrɔn (NNN) ne nhyira su n'ekyir. Na ɔtaa bo mpae de wonye no beka nkorɔfo a wodzi mu honho na tseneneɛ Khilafat ma no akwankyerɛ. Oenya atsenka de Nyankopon agye ne mpaebɛ ato mu ber a woye no adom ma oebeka Jama'at yi ho.

Ahmadiyyanyi fofor a ofi Belize kaa de Jalsa nda ebiasa ama woehu Jama'at no ne botae so a ɔso. Ohui de Jalsa dwumadzi ho nhyehyee no kor do wo kwan a ɔye few do. Ohyiaa nkorɔfo a wofi aman a ɔbor eduowɔtwe do na obiara so wo amambre soronko. ɔyee no enyigye de nkorfo pii etu honho ama dze robo afar ama Jalsa no ewie peye.

Marhall Island Lajna Sadr, a ɔye Ahmadiyyanyi fofor, kaa de Jalsa a ɔaba no ye nhyira kese dze ma no. ɔhwee na ohunn de obi biara wo do atsenka dze ma no nua a ɔye ngyinahɔ dze ma Jama'at no huendzin, Yewo ɔdo ma obiara Yenntan obiara. Onyaa atsenka soronko ber biara a Hazrat Khalifatul Masih rekasa na kasapɔw kor biara dze nyinsowa ba n'enyiwa mu. ɔsan so nya suahun wo Bai'at no mu de ɔye adze a onnyi saso.

Lajnanyi a ɔye America bibinyi kaa ne daeso kor kyereɛ Huzoor. Wɔ daeso no mu no na ɔreye asɔr wɔ kɛse a ɔye few mu na onnyim nkorɔfo a wɔwɔ ne nkyen nyinara na aber nyinara no onya atsenka de ɔwɔ ɔman fofor mu. ɔbaa Jalsa no a nkorɔfo fi wiadze n'afanandze nyinara ye asɔr bomu no onyaa atsenka de ne daeso na ahye ma.

Ahmadiyyanyi fofor a ofi Mexico kaa de ohunn de Khalifa a ɔtse egua mu noho do ahye nkorɔfo a wofi wiadze yi mu aman ahorow do ma. ɔkaa de Jama'at yi ye fasusu kuw na ɔye ngyinahɔ dze ma Islam nkyerekyere.

Imam a ofi Mexico a ɔnye n'ekyirdzifo eduosun beyee Ahmadiyya kaa de onya atsenka de Nyankopɔn Ne nhyira resan famu mbordo wɔ Jalsa ber no mu. Huzoor ne kasaa ahorow no annto ne nyimdzii mu nko na mbom ɔsan so maa no akoma to yamu. Obi biara a ɔbaa Jalsa no dze dase de Islam ye asomdwee som.

Ahmadiyyanyi fofor a ofi Panama kaa de n'enyi gyee Jalsa dwumadzi nhyehyee noho nye ɔdo na korye a obiara daa no edzi. ɔse oenya atsenka de nsesa kɛse aba n'abrabo mu.

Ahmadiyyanyi a ofi French Guiana a ɔye Bai'at wɔ afe 2008 mu baa ne Jalsa a odzi kan. ɔkaa de wɔwoo no Muslimnyi na ɔno nye Ahmadiyyanyi a odzikan wɔ French Guiana. Sesiara a ɔaba Jalsa yi, oehu nokwar mu Ahmadiyya na Khalifa a ɔtse egua mu hɔn bo a wɔsom.

Nyenko bi a ofi Belgium kaa de ber a odzikan a ɔdze kor Ahmadiyya asɔrdan mu no onyaa do na tsema atsenka a wɔasan so enya wɔ Jalsa n'ase. ɔye Bai'at ber a yereye wiadze nyinara Bai'at no na ɔkaa de onkotum ada n'edzi atsenka onyaa ber a Bai'at rokɔ do no. Ohyiaa Hazrat Khalifatul Masih no onyaa atsenka wɔ nara no mu de Nyankopɔn na Oyi Khalifa.

Nyenko bi a ofi Philippines a ɔyee Bai'at mfeba baa Jalsa. ɔkaa de ɔbaa Jalsa no woehu dzaa ɔrehwehwe. ɔye Nyame Nepe a ne sesiara ne botaa nye de ɔbeyee Ahmadiyyanyi dze ako owu mu.

Onyaa atsenka de do ho enyigye a etuhuamafo no dze yee edwuma no fata abasobɔdze. Ohunn hɔn de wɔreye edwuma anapa kosi enwimber na dem suahun nwanwa yi kaa n'akoma.

Nyenko a ofi Mali a ɔyee Bai'at wɔ Jalsa n'ase kaa de atsenka a onyaa no Jalsa mber no ye atsenka a onyaa bi wɔ ne nkwa nda nyinara mu. Onyaa atsenka de se mpo hen atamfo no bo hɔnho mbɔzen den ara mpo a wonkotum aye Jalsa Salana a ɔtse dem yi nefa ketsekete mpo. ɔdze kaa ho de tum kɛse bi tsede UNO mpo nkotum ahyehye dwumadzi bi tsede Jalsa.

Nyenko bi a ofi Kazakhstan kaa de ɔaba Jalsa mpen pii naaso dzaa odzikan a wɔada Jamia nye iyi. ɔkamfo nhyehyee de wɔma nkorɔfo a wofi mbea mbea ahorow betsena faakor osiande ɔboa ma wotsintsin nkitsahodzi a no mu ye dzen. Dzaa odzi ne nyinara mu akotsen nye nkabo mu asɔrye a dem dodow no ara ye no. ɔse iyi ho hia no yie osiande wofie no dem dodow nntum nnhyia mu nnye asɔr mbo mu.

Nyankopɔn N'adom ntsi afe yi dawurbɔfo kuw ne fapem na UK dawurbɔ kuw no yee boo mu yee edwuma a odzikan yie ma woyii Jalsa no a ɔnam do ma Ahmadiyyat, nokwar Islam ne dawurbɔ kodur nkorɔfo nkyen. ɔnam dawurbɔfo kuw ne fapem hɔn nkitsahodzi ntsi dawurbɔfo kuw binom so fii aburokyir bae na hɔn nsem a wɔkaa ye dzaa odzi mu. Ahmadiyya dawurbɔ no kodur nyimpa apepe duebiasa a wɔwɔ UK. Wogudo a wɔrekyereww nkraataa na dawurbɔ so retserew na woesusu de nyimpa beyee apepe duebien anaa duebiasa a wonnyi UK na hɔn nsa aka dawurbɔ no.

ɔfa no dawurbɔ kuw ho no Huzoor kaa de nkorɔfo a wɔwɔ gyedzi ahorow anaa wonnyi gyedzi ba Jalsa na hɔn enyi gye ho. Mbre ɔtse biara no wɔwɔ hɔn ara hɔn ntarhye ma

otse na hon amambre. Mbaa binom hye ntar a odzi mu se woreba ha na mbom wommbo abotsir se mpo wofa a, naaso, se wammfa abotsir mpo a yennkotum ahye hon de wonye dem. Hen mbanyinfo no bi wo nhye suban na woye no nhye. Obaa bi a oye BBC ananmu sinyi baa Jalsa na woannkata ne tsir do. Banyin bi fii n'ekyir odze n'abotsir no kataa ne tsir do. Ahmadiyyanyi bi nyim dem ananmusinyi yi na na ohye atar a odzi mu a na odze abotsir no akata ne tsir ahyease no naaso dem mber no na onnkataa do. Oserewee wo dzaa banyin no yee noho naaso okaa de se oye obi fofor na odze yee no a nkye obefa no de woafom no anaa de obefa no de onnye adze a odzi mu. Huzoor kaa de mbanyinfo no nkae de womma hon apolisfo tum wo nkorofu do na wonhye honho do. Onnye hon asodzi de wobekata mbaa hon tsir do wo aboano. Woahye mbanyin nyinara de woanhye hon enyiwa do; wonhye hon ara hon ahyedze ma. Mbrasem biara nnyi ho a ohye de wonnkata Muslimnyi basia ne tsir no na akantam basia a onnye Muslimnyi. Mbanyinfo bi tse de iyi nom na wowo nhye adwen, hon a wonnye hen nnye adwen wo so wo ha, hon a woye ma Islam ho ba nsem. Huzoor kaa de mma obiara nndwen de oye wiadze ne nsesa hwedofu! Dem ara so na banyin bi kae kyere Ahamdiyyanyi bi a onye obaa a nsemkyerewfo nam de onka nkyere no de noho hia de obaa bekata ne tsir do wo bea a otse dem ntsi onkata ne tsir do. Huzoor kaa de obeka akyere mbanyin a wotsetse dem no de hon ndzikan nhwe hon ebusuafu, na oye Nyankopon Ne pe a wiadze nara besesa. Oye ndzeyee a otsetse dem na otwe nkorofu fi Islam ho no. Huzoor kaa de woehya asem a ofa nsemkyerewnyi obaa bi ho a otwe noho fi Islam ho onam ne papa ne suban a onndzi mu ntsi. Mber a ohunn faahodzi (a Ahmadiyya mbaa wo) wo Jalsa n'ase no onyaa pe de nkye wowoo no wo Ahmadiyya fie mu. Mbaa naowo de wosesa mbaa tsitsir wo Aburokyirmanmu bea a wowo adwen de Muslimfo mbanyin wo akoma na wotsetsee Muslimfo. Dem ndzeyee a mbanyin bi ye no see nsem. Ndzamba a otse dem yi mbaa naowo de woye wo abotar mu. Lajnafo ye hon edwuma na wo kwan biara do no ommfa ho osiande (mber a woresera hen dwumadzi) nsemkyerewfo mbaa hyee ntar a odzi mu wo hon gyinabew mu.

Onam Nyankopon N'adom ntsi MTA edzi dwuma som wo Jalsa dwumadzi ne dawurbo ho tse de ma oye no afe yi. De mbre a Ahmadiyyafo akyere enyiso wo iyi ho, nkorofu nkae no anka nsem pa afa ho. Nyiano a ofi Arabfo a wonnye Ahmadiyyafo honho yie papa. Woaka de osipi de iyi nye nokwar Islam no na woasan so aka de iyi nye nokwar Khilafat a Muslimfo no hia!

Woyii dwumadzi a MTA twaa no amon mu wo Ghana na Sierra Leone aman efir do na ankorankora efir do wo Nigeria a wogyee wo asopa mu. Kasa a ofi Ghana nye de hon atse nsem pii afa Jama'at yi ho na oye hon nwanwa de wohun MTA osiande hon Imam aka nsem pii a onnye nokwar afa Jama'at yi ho! Obaa bi a onnye Ahmadiyyanyi yee n'adwen de obeye Ahmadiyyanyi, Ahmadiyyanyi bi akyerew de woehu wiadze Bai'at a odzikan na oye hon enyigye de woye Ahmadiyyafo. Obi fofor so akyerew de ohwee Jalsa wie dwumadzi no wiei no otse Ahmadiyya nkyerekyere ase ntsi woaye n'adwen de obeye Ahmadiyyanyi. Nkorofu pii na wodze hon nsem aba de onkyer wobeye Ahmadiyya.

Kristonyi Nyenko bi akyerew efi Sierra Leone de na oye nhyira ma no de orehwe dwumadzi amon mu ho ara, obi fofor so akyerew de wotow nsa fre obi a otse ben hon no de ombra mbohwe Jalsa dwumadzi no, asem fofor so kaa de eben Jalsa nwanwaso nye yin a nkorofu pii aka de Jalsa a wotwaa baa efir do no nkorofu a wonnye Ahmadiyyafo agye ato mu yie.

Wo Nigeriaman mu no nkorofu beyee opepe na wohwee Jalsa dwumadzi no wo TV do. Nyimpa beyee mpem aha ebiasa eduasa na wohwe Jalsa dwumadzi no amon mu; iyi nnka hon a wohwe MTA ho no.

Ɔwo de yekaa de nsempa a oba ekyir no wode ohye hen nkoran ma yeko kan sen de yebegye hen ahom wo bea yeedur no. Nkodo kuw biara no daa wohwe de wobotu mpon. Yenyim na ɔwo de mber nyinara yeye ahweyie de mberewye botum aba. Pow a oye mberew botum aba kuw biara a ɔso dem yi mu, onnye hu dem, naaso de mbre otse biara no, ɔwo de wohye no nso na nhyehyeefo no siw n'ano kwan mber fofor. Dem mberewye yi mmba onam edwumayefo no na mbom obotum aba onam asoodzenfo a woba so. Ɔwo woye nhyehyee ma iyi so na wodze hon fa ntsetsee mu ansaana waba Jalsa no.

Woboo Huzoor nkae de obaa bi nye ne mba tsenaa marquee kese no mu. Mber a dwumayenyi kor huu iyi no okaa kyeree obaa no de wowo bea soronko mbofra. Nyiano mu no okaa kyeree no de onnyim iyi na sesie yi a aka akyerere no yi oboko. Ekyir no obaa no hun de obaa hohow no nnye Ahmadiyyanyi, ne dem ntsi opaa na kyew na okaa kyeree no de se ne mba no nnkoye dede dze a obotum nye hon atsena ho. Dem mber no na Ahmadiyyanyi baa bi tse nkyen ho na ohyee ase de onye dwumayenyi no reham na okaa de se onnyi haw a ebenadze ntsi na edwumayenyi no wo haw? Ndaase nye de edwumayenyi no dwen yie na cannta noho na oma asem no yewee na okoree! Ekyir no obaa no bisaa de anaa ɔwo Hadith mu de ebetsena ho (marquee kese no mu) nnye! Mbaa a woyer asoodzen tsede iyi no wo de wosesa hon suban. Mbaa na wotaa ye adze a otse dem yi mpo oto da mbanyin so ye! Ndaase nye de hon a wotsetse ho no ennhu dzaa okor do no. Huzoor se dzaa ofa asembisa no ho nye de; ɔwo Hadith na Kur'an Kronkron no mu de ommfa ho obi a mbra nhye bi fi ne nkyen, ɔwo de edzi do. Wohye de yenye hen Ameer boko ben kor mu na Nkomhyenyi Kronkron (NNN) aka de se mpo woeyi Ameer a ne tsir tsede kyesoaba wo wodo a, ɔwo de etsie no. Dem etuotsew suban nye onnyi de wofa no nsem nkakramba; se biribi wo Hadith mu anaa onnyi mu mpo a. Osipi de Hadith se fa obu ma no na fa ko nyeedo na iyi ho hia ma obi biara a ofro noho Ahmadiyyanyi.

Huzoor ahye edwumayefo node wohnye iyi nsew ma da fofor na se obi kyere suban a otse dem yi bio mu a wonka nkyere hon panyin na ne AIMS tum kraataa a oma otum ba Jalsa n'ase no wonta mu. Huzoor kaa de Jama'at Ahmadiyya nnhia dem etuotsew suban yi. Eyi iyi fi ho a asem kor a ofi mbaa afa mu kyere de oto mber bi a hon egyanan bea ho no nntsew.

Dem mber yi nkorofa akamfo edziban no na roti no. Ketseankye Nyankopon beye hon adom ma yeako kan wo iyi mu! Asem kor a so a ofi mbaa afa nye de wamma obaa panyin bi edziban osiande wamma ntsm. Ommfa ho obi a obeba abegye edziban na mber a obeba, tsitsir hon a wonntse apow no, mbofra nye mpanyin, na edziban wo ho no, ono ɔwo de woma hon edziban. Nokwar nye de ɔwo de woye nhyehyee a wodze bosom nkorofa a wotse dem yi mber biara na wokyerere hon mu de worema hon som soronko. Ɔwo wo ka kyere hon wo ahobrase kwan do de wammabegye hon edziban no ntsem na woma hon mber a wodze kye edziban no. Mbre otse biara no, ɔwo de tsebea no ye ayemyie na odo. Afe wosehwe na wodze egyananbea sisii hon 'tents' mu pii na hon enyi gyee ho paa.

Ahohow a wofi Russia dzii yaw wo hen nhyehyee ho. Wotsenaa Jamia naaso hen nhyehyee no annso hon do ma dem ntsi woemmbodur Jalsa n'ase ntsem ma ahyease dwumadzi no bi paa honho. Dem ara so na woresan ako noso woennkodur ntsem ma ne dem ntsi woenntum annye Tahajjud. Huzoor kaa de hyen nhyehyee no hia de woye mpuntu dwuma wo hon afa na iyi no ɔwo ɔwo wokyereww no wo buukuu kokoo no mu.

Onam Nyankopon N'adom do ntsi, ne nyinara mu no Jalsa no kor do yie na ahohow no enyi gyee. Ketseankye nsunsuando papa a ɔwo Jalsa no mu no beka hen abraboo ho! Huzoor se de mbre ahohow no ada edwumayefo no ase no dem ara na noso da edwumayefo mbanyin na mbaa ase. Ketseankye Nyankopon bema hon akatua na wogaye hon dwumadzi a woyee na wogaye hon adom ma woetum asom yie mber fofor! Ketseankye hon dwumadzi nnkoye



honam enyi nko na mbom Islam nkyerekyere sunsum no betsintsim wo hon mu na ketseankye Nyankopon bema hon a wobaa Jalsa na edwumayefo no nyinara aye nokwar Ahmadiyyafo!

Translated by: 1. Mr. Alhassan Kobina Atta-Wenchie  
(Tutor in English Language, Jamiatul Mubashireen, Ghana)  
2. Maulvi Alhassan Bashir Annan Sahib  
(Tutor, Jamiatul Mubashireen, Ghana)  
3. Rasheed Possible Essuman Sahib  
(Final Year Student, Jamiatul Mubashireen, Ghana)  
4. Hafiz Naseem Ahmad Nyame Sahib  
(Composer, Second Year Student, Jamiatul Mubashireen, Ghana)

Downloaded from: [www.jamiatulmubashireen.org](http://www.jamiatulmubashireen.org)  
Contact: [www.jamiatulmubashireen.org/contact-us](http://www.jamiatulmubashireen.org/contact-us)